



Ս. Լուսատրիչ Անոյ . — Eglise du S.<sup>t</sup> Illuminateur (Ani).

կադոյն կողմն 'ի հինգ բոլորակս , չորք յանկիւնանն և մին 'ի միջև մեծագոյն և գմբեթաւոր , ունեւորվ ալոցն 'ի սա գրունս մոկց . մնան ցարդ ծորակք աւազանաց լուսեացն : — Բաց յայցանէ չերևի այլ շինուած նշանաւոր , բայց միայն կամրջակեք 'ի հարաւային արևմտեան ծայր քաղաքին 'ի վերայ գետոյն Ախուրեան , և կամարակալ լայն սանդուխք առ գետեզերքն 'ի հարաւոյ կաթուղիկէին . իսկ այլ ամենայն շէնք զարմանալի քաղաքիս 'ի 800 ամաց հետէ առ սա կառ սակաւ կործանեալ և հողոյ հաւասարեալ դնին , որպէս 'ի քուն անդարթչել . ոչ է յայտ երբ իսպառանքնակ և աւերակ եղև քաղաքն յետ մասնելոյն 'ի ձեռս Յունաց յամին 1048 , և անկանելոյ 'ի բուռն Ալփարսլանայ յամին 1064 , Պարսից և Վրաց 'ի բազում նուագս , և յետոյ Թաթարաց յամին 1239 , յետոյ դարձեալ Պարսից , առ որովք՝ աւանդի յամին 1319 'ի սասանութենէ մեծէ անչքացեալ Անուոյ և բնակչացն խոյս տուեալ . սակայն յԱռաքելոցն եկեղեցւոջ գոն արձանք գրեալք յամին 1320 և 1348 (24 թ . 27 է) , յորոց յայտ լինի զի ցկէս ԺԴ գա-

րու չէր լքեալ քաղաքն , թէպէտև չառք 'ի նախնեաց Անուոց վաղու ևս չուեալ գնացեալք էին , ոմանք յայլ կողմանս աշխարհին Հայոց և յորովք տարադէմք յաշխարհս արևմտից , 'ի Լէհք , 'ի Ռուսք և 'ի Ղրիմ . և ոչ այնքան 'ի տարերաց որքան 'ի տիրոջաց բուռնութենէ թուի սագնապեալ քաղաքին . և առաւել քան յերկրաւոր սասանութեանց՝ յերկնաւորին ցասմանց . որոյ հանգոյն սոնքացեալ յղիացեալ մեծապանծ մայրաքաղաքացն Ասիոյ՝ ապախտ և զսովաւարարեալ , սոցին նման՝ թէպէտ և կրսեր յոյժ սա ժամանակօք , թաքոյց 'ի յետոցս զվախճան և զվերջին արկածս սորին , յամթ և յափշուութիւն գիտնապանծ մտաց մարդկան , և 'ի զեղջ Հայորերոյ . և այժմ՝ հօսից հանգրուան և խոտալար է գետին արքայակոխ և սրբաձեմ քաղաքին Անուոյ , զորոյ խոտարտոն պայազատութեամբ ժառանգեն մահմետականք ոմանք՝ որպէս թուի վրիպեալք 'ի կրօնից Հայոց , խաթունի որդիք կոչեցեալք . վասն որոյ ոմն 'ի Ռուսաց բանասիրաց որ իբր տասն ամառ յառաջ ել 'ի քնին աւերակացս , 'ի դէպ պատշաճեցուցանէ մօկց գրանց քաղաքիս՝